

角虎集


纂輯者●古越沙門濟熊

永明延壽禪師四料簡

有禪有淨土，猶如戴角虎，
現世為人師，來生作佛祖。
無禪無淨土，鐵床並銅柱，
萬劫與千生，沒個人依怙。
有禪無淨土，十人九錯路，
陰境若現前，瞥爾隨他去。
無禪有淨土，萬修萬人去，
但得見彌陀，何愁不開悟。



角虎集



持受誦讀及資出為普
曰偈向迴者通流轉輒

歡
迎
翻
印

功
德
無
量

法界諸含識	風雨常調順	現眷咸安樂	讀誦受持人	悉皆盡滅除	所有刀兵劫	增長諸福慧	願以此功德
同證無上道	人民悉康寧	先亡獲超昇	輒轉流通者	人各習禮讓	及與飢饉等	圓成勝善根	消除宿現業

免
費
贈
閱

嚴
禁
販
售



角虎集

出版/社團法人高雄市淨宗學會

製作/高雄淨宗學會編輯組

地址/高雄市鹽埕區七賢三路236號

電話/(07)521-9988

郵撥/41635731

戶名/高雄市淨宗學會

贈送處/高雄淨宗學會 七賢三路236號

淨空法師專集有聲版網址/

<http://www.amtb.org.tw>

<http://www.chinkung.org>

2006年3月 印贈2000本

選刻角虎集序

如是我聞，一時佛在舍衛國祇樹給孤獨園，與大比丘僧千二百五十人俱。爾時，世尊不待眾請，而自說阿彌陀經。乃至「一心不亂」；全經大要在此四字。如維摩經「隨其心淨即佛土淨」，亦為此下註腳耳。迨至末後拈華又道，「我四十九年未曾說著一字」。時百萬人天叵測；惟金色頭陀在旁破顏一笑。世尊乃云，「吾有正法眼藏，涅槃妙心，付囑摩訶迦葉」，引誘後代兒孫分門立戶。宗禪者則笑淨土為著相；修淨者則譏禪宗為豁空。於是馬鳴大士，愍諸羣執，未達圓宗；因造大乘起信論，分析三細六麤，指歸唯心淨土。自法流震旦，東林則有遠公仰宗經論，默契大乘；結集高賢十八，同修念佛三昧，社中諸友，俱得往生。東南淨土法門，遠公始也。及初祖西來又云，「不立文字，直指人心見性，立地成佛」。時諸義學沙門莫不

反目側視，止得可祖一人言下承當，始明教外別傳之旨。六代而至大鑑，南能北秀頓漸分岐，賢首、台、慈遞相角立。於是永明智覺禪師紹彌陀願海，闢普賢行門；糾集三宗，同歸一貫，極力主張唯心淨土，故有角虎之喻。世推永明乃東土第一流宗師，一言一行孰敢思議者哉！自炎宗而至昭代，如天衣懷、真歇了、楊無為、天如則、楚石琦、紫柏、憨山、雪關、天界，一一皆宗門鉅哲，又何曾有禪淨彼此之分者耶！是以濟能禪師，窺諸後學，信疑不決；遂蒐羅列代傑出宗師要語，則則指歸淨土者，編集成書，號曰角虎。令宗禪者不敢輕淨土；修淨者無復貶禪宗。述而不作，利益殊深。且自得此秘寶，二十年來未曾釋手；實為入道之助。夫言不妙不名至言；理不圓不稱至理。今是編言真理直，豈非昏衢慧炬，禪淨之指南也歟！本無法姪，一見此書，恨讀為晚，即捐衣鉢鏤板流通，利益甚普。但此集原本殘缺，未具全文。因見今之禪侶，欣簡厭繁者多。於是不揣蒙昧，刪去

繁枝，留其節要。俾一言之下性地開明；半卷之中義天朗耀。頓見自心之佛，不待華開；返照常寂之光，原非別土。豈為小補；實屬大緣。所冀見聞，咸皆信受；遞相勸讀，展轉傳持。同報佛恩，用資凡品。庶不負著述之本懷，捐刻之雅意云爾。

八十老朽心旦盥手敬題於海幢之重來結集軒。



角虎集

第一卷 目錄

隆興府黃龍死心悟新禪師	9
東京慧海儀禪師	10
海鹽州天寧楚石梵琦禪師	11
丞相張商英居士	22
給事馮楫濟川居士	23
天界孚中懷信禪師	26
蘇州獅子林天如惟則禪師	27
杭州正傳院空谷景隆禪師	38

頁數

第二卷 目錄

天奇本瑞禪師	40
建寧府斗峰古音淨琴禪師	41
天童密雲圓悟禪師	43
徑山雪嶠圓信禪師	45
鄧尉山漢月法藏禪師	48
雲頂冰懷濟能禪師	57

第三卷 目錄

真州長蘆真歇清了禪師	78
明州天童宏智正覺禪師	81
中都報恩從容庵萬松行秀禪師	83

頁數

頁數

順德萬安廣恩禪師

85

懷慶龍崗大方如遷禪師

85

順德崇恩大方祖通禪師

86

達觀真可紫柏禪師

88

曹溪澄印德清禪師

93

壽昌無明慧經禪師

100

第四卷 目錄

福州鼓山永覺元賢禪師

107

紹興雲門湛然圓澄禪師

114

廣信博山無異元來禪師

117

廣信瀛山雪關智闇禪師

119

頁數

第五卷 目錄

杭州徑山覺浪道盛禪師

122

佛日石雨方禪師

136

越州西遁居士祁淨迢

137

頁數

秀州本覺守一法真禪師

142

越州天衣義懷禪師

143

東京慧林宗本圓照禪師

145

杭州佛日明教契嵩禪師

147

東京法雲法秀禪師

148

東京法雲善本大通禪師

149

東京慧林懷深慈受禪師

151

第六卷 目錄

禮部楊傑無為居士	152	司諫江公望居士	187
文正公范仲淹居士	155	廬山東林慧遠圓悟大師	190
永明智覺延壽禪師	156	南岳慧思禪師	192
杭州無著文喜禪師	175	天台修禪智者大師	194
		澱山白蓮子元慈照宗主	197
		仙潭法鏡若愚禪師	200
少傅白居易香山居士	181	廬山善法普度優曇宗主	201
潞公文彥博居士	182	楚峰善奇禪師	203
侍郎王古居士	183	斷雲智徹禪師	205
國學王日休龍舒居士	184	杭州雲棲蓮池祿宏禪師	206
侍制了翁陳瓘居士	186	荷葉道人石頭	208
丞相錢象祖止菴居士	186	香光子居士	210



集虎角



角虎集卷第一

古越雲頂山一壑沙門濟能纂輯

白雲峰溪隱門人上喻較閱

臨濟宗

隆興府黃龍死心悟新禪師（嗣黃龍祖心禪師）（五灯會元四二二頁）

師韶川王氏子，生有紫肉幕左肩，右袒如僧伽黎。壯年出家，至黃龍謁晦堂。堂豎拳問曰：「喚作拳頭則觸，不喚作拳頭則背，汝喚作甚麼？」師罔措，經二年方領解，然尚於談辯。一日，堂遽曰：「住住，說食豈能飽人？」師窘，乃曰：「某到此弓折箭盡，望和尚慈悲指箇安樂處。」堂曰：「一塵飛而翳天，一芥墮而覆地。安樂處

政忌上座許多骨董，直須死卻無量劫來偷心乃可耳。」師趨出，他日聞知事捶行者而迅雷忽震即大悟。趨見晦堂，忘納其履即自譽曰：「天下人總是參得底禪，某是悟得底。」堂笑曰：「選佛得甲科，何可當也！」因號死心叟。

有乞末後句者，示偈曰：「末後一句子，直須心路絕，六根門既空，萬法無生滅。於此徹其源，不須求解脫，平生愛罵人，只為長快活。」師常作勸修淨土語，有云：「彌陀甚易念，淨土甚易生。參禪人最好念佛，根機或鈍，恐今生未能大悟，且假彌陀願力接引往生。」又云：「汝若念佛不生淨土，老僧當墮拔舌地獄。」

東京慧海儀禪師（嗣法雲杲禪師）（五灯會元四四八頁）

師上堂云：「無相如來示現身，破魔兵眾絕纖塵，七星斜映風生處，四海還歸舊主人。諸仁者！大迦葉靈山會上，見佛拈華，投機微笑。須菩提聞佛說法，深解義趣，涕淚悲泣。且道笑者是，哭者是？不見道：萬派橫流總向東，超然八面自玲瓏，萬人膽破沙場上，一箭雙鵰落碧空。」有學人問曰：「願生淨土，未審實有淨土否？」師曰：「經云，欲得淨土，當淨其心，隨其心淨，即佛土淨。若心清淨，所在之處，皆為淨土。譬如生國王家，決定紹王基業；發心向佛道，是生淨佛國。其心若不淨，在所生處，皆是穢土。淨穢在心，不在國土也。」

海鹽州天寧楚石梵琦禪師（嗣徑山元叟端禪師）

（續指月錄一〇二頁）（雲棲法彙二五一五頁）

師四明人，俗姓朱氏，世居象山，母張氏夢日墮懷而生。師在襁褓中，有神僧撫之曰，「此兒佛日也」，因小字曇曜。九歲依族祖晉翁洵師於湖之崇恩薙染，十六受具。閱楞嚴有省，參元叟於徑山，問：「如何是言發非聲，色前不物？」叟遽曰：「言發非聲，色前不物。速道速道！」師擬進語，叟振威一喝，師乃錯愕而退。已而應書大藏之選，至京師崇天門，一夕聞樵樓上鼓聲，豁然大悟。述偈曰：「崇天門外鼓騰騰，驀劄虛空就地崩，捨得紅鑪一片雪，卻是黃河六月冰。」後出世海鹽報國等剎，遷郡之天寧。

上堂，舉僧問乾峰：「十方薄伽梵，一路涅槃門。未審路頭在甚麼處？」峰以拄杖畫一畫云：「在者裏！」師曰：「白雲萬里。」僧舉前話問雲門。門曰：「扇子踣跳上三十三天，築著帝釋鼻孔；東海鯉魚打一棒，雨似盆傾。」師曰：「白雲萬里。」忽有人出來問：

「天寧與麼批判，還愜得二大老意麼？」向他道：「白雲萬里，呵呵呵，囉囉哩，剎剎塵塵知幾幾。十字街頭石敢當，忽然吸竭溟滄水。你輩茄子瓠子那裏知得！」拍禪牀便起。

師自幼知有西方彌陀教法，清晨十念，求生淨土，未嘗一日少懈。及住天寧，築室西偏，專志於淨業，因號西齋焉。室中置一小牀，日趺坐，默觀大蓮華出現。其華莖葉充滿法界，有一如來相好端嚴坐其上，眉閒白毫放出光明。其光所照樓臺、池沼、行樹、欄楯，眾寶閒錯，水鳥天樂皆演苦、空、無我之法。見觀世音大勢至在其左右，清淨海眾前後圍繞，皆得不退轉地。從定而起返觀觀者，空空不可得，不可得亦不可得耳。

洪武初，三被召說法，皇情大悅。未幾於天界寺示寂，沐浴更衣，書偈曰：「真性圓明，本無生滅，木馬夜鳴，西方日出。」書畢

謂其屬夢堂噩公曰：「師兄我去矣！」公曰：「子去何之？」曰：「西方。」公曰：「西方有佛，東方無佛耶？」師厲聲一喝，泊然而化。

師平生著懷淨土百韻詩，七言律併諸雜咏行世。詩曰：

一、我佛真身不可量，大人陪從有輝光；

食時並是天肴饌，行處無非聖道場。

庭下碧流微吐韻，殿前瑤草細吹香；

十方一等莊嚴剎，終說西方出異方。

二、卻望金繩寶界遙，樓臺一一倚雲霄；

黃鶯韻美春長在，玉樹枝榮歲不凋。